

Powšitkowne WOZJEWJENJA

njedźelu, 3. junija 2018

Běh wo pokal zbóžneho Alojsa

Składnostnje lětušich 75. posmjertnych narodnin zbóžneho kapłana Alojsa Andrickeho su sportowcy wšěch starobnych skupin wot šěsć lět na běh wo pokal k jeho česći sobotu, 23. junija, do Radworja přeprašeni. Započatk na nawsy je za běharjow staroby wot 6 do 15 lět w 9.30 hodź., za tamnych w 10.30 hodź. Běhač budže so po starobje rozdźělne na čarach po 500, 1.000, 1.500 a 6.000 metrach. Přeprašeni su jednotliwcy runje tak kaž cyłki, na přikład šule, wosadne kružki, sportowe jednotki a wjesne kluby. Na běh wo pokal zbóžneho Alojsa přeprašuja Towarstwo Cyrila a Metoda z.t. (TCM), Sportowa jednotka 1922 Radwor, wjesna skupina strony CDU, Radworska gmejna a Radworski młodžinski klub. Zajimcy měli so hač do pjatka, 15. junija, za běh přizjewić, po móžnosći z mailku na Katolski@Posol.de abo telefonisce w redakciji Katolskeho Posoła pod čisłom (0 35 91) 55 02 12. Jědź a napoje budu so tam poskićeć. Čary powjedu po asfaltowym runje tak kaž po pólnym a lěsnym puću.

Wulět samostejacych

Wulět samostejacych ze serbskich wosadow budže štwórtk, 21. junija, a powjedže na hnadowne městno Krzeszów w Pólskej. Zajimcy njech so hač do póndzele, 11. junija, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta w Posole wozjewja.

Kapałnicy w Budyšinje

Drježdžanscy kapałnicy wuhotuja tutu njedźelu, 3. junija, w 15.30 hodź. w Budyskej tachantskej cyrkwi koncert duchowneje hudźby. Na piščelach zahraje cyrkwinski hudźbny direktor Friedemann Böhme. Zastup je darmotny, při cyrkwinych durjach pak budže kolekta.

Duchowny koncert

Chór 1. serbskeje kulturneje brigady z.t. přeprašuje lubowarjow duchowneje hudźby na swój koncert sobotu, 9. junija, w 15 hodź. do barokneje cyrkwe w čěskich Hejnicach, a njedźelu, 10. junija, w 16 hodź. do putniskeje cyrkwe w Róžeńće. Zaklinča twórby Brucknera, Kocora, Nagela, Pilka a dalších komponistow.

Klóšterski swjedzeń

Z Božej mšu zahaji so klóšterski swjedzeń njedźelu, 17. junija, w 10.30 hodź. w cyrkwi klóštra Marijineje Hwězdy w Pančicach-Kukowje. Po kemšach wočakuje wopytowarjow pisany program. Tež Towarstwo Cyrila a Metoda z.t. změje na klóšterskim swjedženju swójske stejnišćo. Z ekumeniskim nyšporom w 17.30 hodź. so swjedzeń zakónči.